

ИККИНЧИ БЎЛИМ

ЎЗБЕКИСТОН РЕСПУБЛИКАСИ ПРЕЗИДЕНТИНИНГ ФАРМОНИ

90 Ўзбекистон Республикаси фуқаролари — 1941 — 1945 йиллардаги уруш ва меҳнат fronti фахрийларини «Иккинчи жаҳон урушидаги Галабанинг 70 йиллиги» эсдалик юбилей медали билан мукофотлаш тўғрисида

2015 йил 9 майда умумхалқ байрами — Хотира ва кадрлаш куни ўтказилиши, шунингдек, Иккинчи жаҳон урушида фашизм устидан қозонилган Галабанинг 70 йиллиги байрам қилиниши муносабати билан фашизм устидан қозонилган Галабага бебаҳо ҳисса қўшган Ўзбекистон фуқаролари — 1941 — 1945 йиллардаги уруш ва меҳнат fronti фахрийларини муносиб равишда ва иззат-икром билан шарафлаш мақсадида:

1. 1941 — 1945 йиллардаги Иккинчи жаҳон урушида фашизм устидан қозонилган Галабанинг 70 йиллиги шарафига «Иккинчи жаҳон урушидаги Галабанинг 70 йиллиги» эсдалик юбилей медали таъсис этилсин.

2. Белгилаб қўйилсинки, «Иккинчи жаҳон урушидаги Галабанинг 70 йиллиги» эсдалик юбилей медали билан Ўзбекистон Республикаси фуқаролари — «1941 — 1945 йиллардаги Улуғ Ватан урушида Германия устидан қозонилган галаба учун» ва «Япония устидан қозонилган галаба учун» медаллари билан, уруш йилларида жанговар хизматлари учун олинган бошқа орден ва медаллар билан мукофотланган ёки уруш қатнашчиси гувоҳномасига ёхуд Ватан уруши ногирони гувоҳномаларига эга бўлган Иккинчи жаҳон уруши қатнашчилари ва ногиронлари, шунингдек Иккинчи жаҳон уруши йилларида фидокорона меҳнати учун мукофотланган, шу жумладан «1941 — 1945 йиллар Улуғ Ватан урушидаги шавкатли меҳнати учун», «Меҳнатдаги жасорати учун», «Меҳнатда ўрнак кўрсатганлиги учун» медалларига ёки 1941 — 1945 йиллардаги уруш даврида қуролли кучларда фуқаро шахсларни эркин ёллаш бўйича штат лавозимида бўлганлик тўғрисидаги гувоҳномага эга бўлган меҳнат fronti қатнашчилари мукофотланадилар.

3. «Иккинчи жаҳон урушидаги Галабанинг 70 йиллиги» эсдалик юбилей медали тўғрисидаги низом ва унинг тавсифи 1 ва 2-иловаларга мувофиқ тасдиқлансин.

4. Ўзбекистон Республикаси Мудофаа вазирлиги, Ички ишлар вазирлиги, Миллий хавфсизлик хизмати, Меҳнат ва аҳолини ижтимоий муҳофаза қилиш вазирлиги ҳамда Молия вазирлиги ҳузуридаги Пенсия жамғармаси билан биргаликда икки ҳафта муддатда «Иккинчи жаҳон урушидаги Галабанинг 70 йиллиги» эсдалик юбилей медали билан мукофотланиши лозим бўлган

1941 — 1945 йиллардаги уруш фахрийлари ва ногиронларининг, меҳнат fronti қатнашчиларининг аниқ рўйхатини тузиб, Вазирлар Маҳкамасига киритсин.

5. Ўзбекистон Республикаси Вазирлар Маҳкамаси:

Марказий банк ва «Давлат белгиси» давлат-ишлаб чиқариш бирлашмаси билан биргаликда бир ой муддатда «Иккинчи жаҳон урушидаги Ғалабанинг 70 йиллиги» эсдалик юбилей медаллари ва уларнинг гувоҳномалари бланклари белгиланган тартибда тайёрланишини таъминласин;

2015 йилнинг 1 мартага қадар Иккинчи жаҳон урушида фашизм устидан қозонилган Ғалабанинг 70 йиллиги мамлакатимизда кенг байрам қилинишига бағишланган тадбирлар дастурини ишлаб чиқсин ва тасдиқласин, унда 1941 — 1945 йиллардаги уруш ва меҳнат fronti фахрийларини «Иккинчи жаҳон урушидаги Ғалабанинг 70 йиллиги» эсдалик юбилей медаллари билан тантанали ва байрамона вазиятда мукофотлаш чора-тадбирлари қўзда тутилсин.

6. Мазкур Фармоннинг ижросини назорат қилиш Ўзбекистон Республикасининг Бош вазири Ш. Мирзиёев зиммасига юклансин.

**Ўзбекистон Республикаси
Президенти**

И. КАРИМОВ

Тошкент ш.,
2015 йил 19 февраль,
ПФ-4704-сон

Ўзбекистон Республикаси
Президентининг 2015 йил 19 февралдаги
ПФ-4704-сонли Фармониға
1-ИЛОВА

**«Иккинчи жаҳон урушидаги Ғалабанинг 70 йиллиги»
эсдалик юбилей медали тўғрисидаги
НИЗОМ**

1. «Иккинчи жаҳон урушидаги Ғалабанинг 70 йиллиги» эсдалик юбилей медали билан Ўзбекистон Республикаси фуқаролари — «1941 — 1945 йиллардаги Улуғ Ватан урушида Германия устидан қозонилган ғалаба учун» ва «Япония устидан қозонилган ғалаба учун» медаллари билан, уруш йилларида жанговар хизматлари учун олинган бошқа орден ва медаллар билан мукофотланган ёки уруш қатнашчиси гувоҳномасига ёхуд Ватан уруши ногирони гувоҳномаларига эга бўлган Иккинчи жаҳон уруши қатнашчилари ва ногиронлари, шунингдек Иккинчи жаҳон уруши йилларида фидокорона меҳнати учун мукофотланган, шу жумладан «1941 — 1945 йиллар Улуғ Ватан урушидаги шавкатли меҳнати учун», «Меҳнатдаги жасорати учун»,

Ўзбекистон Республикаси қонун ҳужжатлари тўплами, 2015 й.

«Меҳнатда ўрнатган кўрсатганлиги учун» медалларига ёки 1941 — 1945 йиллардаги уруш даврида қуролли кучларда фуқаро шахсларни эркин ёллаш бўйича штат лавозимида бўлганлик тўғрисидаги гувоҳномага эга бўлган меҳнат fronti қатнашчилари мукофотландилар.

2. «Иккинчи жаҳон урушидаги Ғалабанинг 70 йиллиги» эсдалик юбилей медалини топшириш Ўзбекистон Республикаси Президенти номидан — Ўзбекистон Республикаси мудофаа вазири, Миллий хавфсизлик хизмати раиси, ички ишлар вазири, Давлат божхона қўмитаси раиси, Қорақалпоғистон Республикаси Жўқорғи Кенгеси раиси, вилоятлар, шаҳарлар ва туманларнинг ҳокимлари томонидан маҳаллий ҳарбий бошқарма органларининг, уруш ва меҳнат фахрийлари кенгашларининг иштирокида тантанали вазиятда амалга оширилади.

Мукофотланганларга эсдалик юбилей медали билан бирга белгиланган шаклдаги гувоҳнома топширилади.

3. «Иккинчи жаҳон урушидаги Ғалабанинг 70 йиллиги» эсдалик юбилей медали кўкракнинг чап томонига тақилади.

Ўзбекистон Республикаси
Президентининг 2015 йил 19 февралдаги
ПФ-4704-сонли Ғармониға
2-ИЛОВА

**«Иккинчи жаҳон урушидаги Ғалабанинг 70 йиллиги»
эсдалик юбилей медалининг
ТАВСИФИ**



«Иккинчи жаҳон урушидаги Ғалабанинг 70 йиллиги» эсдалик юбилей медали 0,25 микронгача қалинликдаги олтин қопланган мис қотишмасидан тайёрланади ва диаметри 32 миллиметрли доира шаклида бўлади.

Эсдалик юбилей медалининг ўнг томонида таралаётган қуёш нурлари фонида «Хотира майдони» ёдгорлик комплексидаги Мангу олов ёнида «Мотамсаро она» монументи тасвирланган. Монументнинг чап ва ўнг томонларида 1945 ва 2015 рақамлари ёзилган бўлиб, улар Иккинчи жаҳон уруши тугаган йил ва юбилей йилини англатади.

Эсдалик юбилей медалининг орқа томонида «Иккинчи жаҳон урушидаги Ғалабанинг 70 йиллиги» сўзлари ёзилган. Ёзув дафна чамбари билан ўралган бўлиб, унинг новдалари пастда саккиз қиррали юлдуз билан туташган.

Тасвирлар ва ёзувлар қабарикдир.

Эсдалик юбилей медалининг қирралари доира билан хошияланган.

Эсдалик юбилей медали халқачалар ёрдамида беш бурчакли колодка билан туташтирилади, унинг устки қисми Ўзбекистон Республикаси Давлат байроғи рангларидаги эни 24 миллиметрли шойи лента билан ўралган. Кўк, оқ ва яшил полосаларнинг эни 7 миллиметрдан, қизил полосаларнинг эни эса 1,5 миллиметрдан. Колодканинг баландлиги 48 миллиметр, эни 45 миллиметр. Тўғнович ёрдамида қадалади.